



6. oktober 2020

UKA2020/190

Uunga siunnersuut: Unammilleqatigiinneq pillugu Inatsisartut Inatsisaata allanngortinnissaa pillugu Inatsisartut inatsisaat nr. xx, xx. xxx 2020-meersoq.
(Inuussutissarsiornermut Aatsitassanullu Naalakkersuisoq)

Partii Naleqqamiit unammilleqatigiinneq pillugu Inatsisartut Inatsisaata allanngortinnissaa pillugu naatsumik oqaaseqaateqassaagut.

Suliffeqarfiit kattuttarnerisa unammilleqatigiinnermut innarliisannginnissaasa qulakkeernissaa anguniarneqarmat Partii Naleqqamit taperserparput. Taamaattorli maluginianningsuunngilarput marloriarluta saqqummiussimasarput, tamatigullu tamakkiisumik ilalernerqartartoq, tassa suliffeqarfiup piginnituviisa nalunaarsornissaat suli Naalakkersuisut Kunngip peqqussutinngorlugu Inatsisartunut akuerisassanngortissimangikkaat.

Inuussutissarsiornermut Aqutsisoqarfik (Erhvervsstyrelsi) suliakkerneqartussaq aallaavigalugu Naalakkersuisut maanna saqqummiisussaagalarput kunngip peqqussutaanik akuerisassatsinnik. Suli inatsisilluunniit Danmarkimi pioreertut piginnittuviit nalunaarsorsimanissaatitaaneranut nunatsinnut atuutsittisinnaanngikkutta, qanoq taava suliffeqarfiit kattunnissaannut allannguisinnaavugut?

Aalisarnermut Ataatsimiititaliarsuaq suli sulisoq, aalisarnermullu inatsisissanik allannguutissanik siunnersuutitut tamanna aallaavigalugu itigartitsisoqartarpoq, uuma inatsisissamut allannguutissap qanoq kalluaatiginissaa paasiuminaammat Partii naleqqamiit erseqqissaatigerusupparput.

Qularnanngilaq suliffeqarfiit kinguaaminnut ingerlatitseqqinniartut tusarniaanermi taaneqartut ilaasinnaasut. Innuttaasulli pitsaanerpaamik sullinneqarnissaat, qulakkeerlugu akit inuiaqatigiinnut iluaqutaanissaat, unammilleqatigiinneq innarlernagu, sukumiisumik ataatsimiititaliani susassaqtuni suliarineqaqqaarnissaa Partii Naleqqamiit inassutigaarput.

Pele Broberg, Partii Naleraq